

新疆圖志卷十七

藩部二

哈密回部

哈密本伊吾廬地漢唐已隸中國明以封元裔忠順王安克帖木兒後為吐魯番牙蘭所據並入回部蓋嘉靖以後事也順治十二年哈密回日克拜齋葉爾羌表獻內地民表署阿布都拉汗提督張勇詰表署異前故告曰哈密吐魯番葉爾羌皆昆弟其父曰阿都拉汗有子九長即阿布都拉汗居葉爾羌次巴拜居哈密以得罪

天朝葉爾羌長以阿布勒阿哈默特子代之次瑪哈默特蘇勒檀居帕力次沙汗居庫車次早死次伊思瑪葉勒居阿克蘇次伊卜喇伊木居和闐前葉爾羌遣其弟自吐魯番請貢故表稱吐魯番汗名今以葉爾羌為昆弟長故表稱葉爾羌汗名

詔納之

謹案皇輿圖志派噶木巴爾族屬乘持回教之祖派噶木巴爾為一世至三十世止共二十九世瑪罕木特子波羅泥都霍集占即大小和卓木兩逆酋也其第廿五世之巴哈古敦阿不都哈里克瑪木特伊布拉伊木伊薩伊瑪特

新疆圖志

藩部一

阿里阿拉勒額瑪木特色德克阿三沙伊赫和卓阿布都勒拉共十二支析居布哈爾外接天方內連準部木薩爾後遷拜勒哈是派噶木巴爾族最蕃衍徧於西域支庶故大小和卓敢於為亂又載青吉斯汗族屬回部舊汗名青吉斯為第一世以上無考至莽蘇爾子阿布都勒為第二十五世而止以後式微無考相傳舊居天山北是應即回紇之一族屬其汗偶與元世祖同名至順治間吐魯番賽伊特汗入貢自稱元太祖裔而青吉斯派噶木巴爾兩族遂混而一其實非也大軍既敗

噶爾丹

諭哈密勿數逆達爾汗伯克額貝都拉擒噶爾丹乳母子丹濟卜以獻策妄阿喇布坦數遣使索之且詰哈密內附故額貝都拉語曰我誠附天朝非迫而然也未幾噶爾丹自殺其族子丹濟拉攜噶爾丹骨走哈密額貝都拉郭帖伯克護至上嘉其忠誠

詔以額貝都拉為一等台吉札薩克仍達爾汗號賜勅印及銀幣並給紅纛三十七年遣官赴哈密編旗隊設管旗章京參領佐驍騎校各員雍正五年

諭札薩克額敏曰額敏自軍興以來輸誠地方效力率所部人等屯耕助餉甚屬可嘉著晉封鎮國公七年入朝晉封固山貝子額

敏卽喀貝都拉長子也乾隆元年額敏奏興師來哈密歲納屯糧計二萬七千五百石已支用萬八千餘石今巴里坤兵撤請耕如故

詔來年免納糧給種地回民銀萬兩十九年

諭哈密所屬賽巴達什哩雅處屯田前給回人耕種穀石以四分交官六分給與回人今聞伊等生計甚艱著加恩將所獲穀全行賞給不必交官二十三年額敏長子襲札薩鎮國公玉素普請從大軍効力

詔辦理烏什屯田賜給貝勒品級二十四年

諭曰玉素普雖未與將軍大臣同在軍壘但駐紮烏什辦理諸事極爲奮勉著加恩賞給郡王品級尋詔入覲伯克等四十人以玉素普霍集斯領之三十一一年奏哈密生齒日繁請遷戶五百屯田伊犁以次子伊薩克護往允之玉素普尋攜長子伊勒巴喇伊木入朝皆道卒次子伊薩克襲爵四十八年

新疆圖志

藩部二

詔哈密吐魯番回皆世襲罔替五十三年

諭曰哈密吐魯番皆國家世僕其餘各城回人雖經朕平定新疆時歸降但効力幾三十年奮勉急公是以分別施恩賞給王貝勒貝子公台吉等封爵或定世襲罔替或定爲出缺後降等承襲雖係照例辦理但伊等來歸年久共感朕恩各勤職業卽如哈密郡王品級貝勒額爾德錫爾之始祖額貝都拉歸誠以來已歷數世額爾德錫爾之祖玉素卜在軍營勤勞懋著貝子鄂斯璠之父鄂對在軍營奮勉授封貝勒品級因罪削爵後鄂斯璠仍諸事抒誠効力復封貝子色提卜阿拉氏先在軍營奮勉又在阿奇木伯克任內數年留心辦事公伊巴伊喇木一等台吉鄂羅木咱伯二等台吉巴巴阿布勒不爾敦三等台吉阿卜都呢咱爾帕爾薩伊等封爵或因軍前効力授封或因伊祖父功績賞給若照院議於出缺後降等承襲日久遞降殊非朕久遠撫恤回衆之至意今施恩議定降等承襲之額爾德錫爾色提卜阿勒氏鄂斯璠伊巴拉伊

木鄂羅木咱卜巴巴阿布勒不爾敦阿伯都呢咱爾帕爾薩等十人現襲之王貝子公台吉等封爵出缺時不必降等承襲均著世襲罔替以示朕優卹回僕之至意

詔下回衆人等交相欣慶哈密所轄回城五日素們哈爾輝曰阿思塔拉曰托克齊曰拉伯楚克曰喀刺都伯同治三年八月哈密漢回欲爲變勾結回兵辦事大臣文祥協鎮王德普聞之立誅兵目何榮等外回無所依恃糾纏回終日以搶殺爲事回王伯錫爾爲其下所蒙文大臣使通曉纏語之年老婦人乘間見回王以牘與之伯錫爾率馬隊馳入漢城遂將漢回全行洗蕩不留餘孽哈密獲安伯錫爾旋署幫辦大臣四年哈密漢回復煽惑吐魯番烏魯木齊逆回數千人潛結本地纏頭攻撲漢城辦事大臣札克當阿協鎮王德普通判陳宜禾皆死之五年官軍收復哈密秋回日蘇布爾蓋玉素普潛赴烏魯木齊吐魯番勾結纏頭漢回馬升等糾賊數千由南路進攻哈密護都司張國鼎率民勇五百人安敦

新疆圖志

藩部二

三

玉官兵百名暨巴里坤官兵一千有奇迎至柳樹泉接戰全軍皆歿回王福晉暨回目夏斯林皆死焉事聞伯錫爾賜卹有加是年六月巴里坤鎮何瑄復取哈密十二年七月陝回白彥虎竄哈密焚回王墓擄老福晉以去老福晉者回王伯錫爾之母爲南路纏回所信服者白彥虎欲因以脅衆官軍進規南路於庫車奪回送歸哈密今嗣王卽伯錫爾之子也初哈密吐魯番回王暨南路阿奇木伯克皆轄回民光緒八年改行省設民官裁伯克缺回民歸地方官管轄回王勿預惟哈密則仍舊焉

附欽差大臣劉錦棠奏裁南路回疆阿奇木伯克片

再新疆各城內設阿奇木伯克等員其職銜有三四品者現議建設郡縣擬設丞倅牧令各等員官階旣非甚崇若回官仍循舊章殊有枝大於本之嫌似宜量爲變通以歸妥善郡縣設定後擬將回官各缺暨阿奇木伯克等名目概行裁去各廳州縣另行酌設頭目額數畧如各省辦公紳士不可以官目之遇有缺額卽行就

地選舉出具切實考語詳由該管道轉請邊疆大員發給委牌惟須照回官向例發給地畝作爲薪資免滋需費侵吞諸弊又南路纏回愚懦者實居其大半彼教中所謂條勒阿渾往往捏造邪說肆其誘脅之術人心易爲搖惑禍亂每由此起纏回語言文字本與滿漢不同遇有訟獄徵收各事件官民隔閡不通阿奇木伯克通事人等得以從中舞弊是非被以文教無由除彼錮習自全疆勘定以來各城分設義塾令回童讀書識字學習漢語其中儘多聰穎可造之資授之以經輒能背誦學習楷書居然端好爲之講解義理亦頗能領會足見秉彝之良無分中外雖不必侈言化民成俗而其效已有可觀此時建設南路郡縣教職等官暫可不設惟宜設法鼓勵使回族爭奮於學庶教化可期漸興所有原設各義塾應由各廳州縣延師訓課以小學孝經論語孟子大學中庸詩書易禮春秋教各回童擬每歲令各廳州縣考試一次有能誦習一經熟諳華語者不拘人數多寡卽送該管道衙門覆試詳由

邊疆大員援照保舉武弁之例咨部給予生監頂戴待其年已長大卽准充當頭目如有勤學不倦能多習一經或數經者無論已未充當頭日均准各廳州縣考送由道覆試請獎再行遞換五品以下各項頂戴仍不能逾六品以示限制惟曾任三四五品阿奇木伯克裁缺後仍應准其戴用翎頂充當頭目其各項頂戴頭目人等如果承辦差使異常出力仍隨時酌量保奏懇

恩賞給三四五品頂戴用昭激勸理合會同附片具陳

光緒八年七月初三日奏

又續陳未盡事宜並籌現辦情形摺

回官三四品阿奇木伊什罕伯克階職較崇臣前慮其權重擾民曾請裁去銜額實欲杜漸防微而相沿已久未可驟加屈抑擬請仍留頂戴畧如各省州縣之待所轄紳士假以禮貌使有別於齊民昔之衆伯克等分理糧役訟獄諸務將來擬分撥爲吏戶禮兵刑工各書與漢書胥雜處互授回漢文言期於相觀而善旣可收其把持之權又可藉爲公家之用似屬兩有裨益俟印官履任後

徐爲圖之如能行之有濟屆時另行奏報光緒九年四月二十日
奏旋准吏部覆開又原奏內稱回官三四品伯克阿奇木伊什罕
官職較崇請留頂戴等語理藩院查前經覆議今該大臣悉心籌
畫回民相安妥議覆奏今據奏稱請將三四品伯克裁去銜額仍
留頂戴並將昔日之衆伯克將來分派爲吏戶禮兵刑工各書等
語係爲隨時變通期於兩有裨益起見似應准如所請惟查三四
品阿奇木伊什罕伯克歷來各有專責而衆伯克等亦皆有分任
相安已久從未議及更章今請裁去銜額僅留頂戴並分撥各書
等情事關創始固屬於防範之中隱寓安慰之意然一旦驟加增
改回民能否帖然相安不致別生事端臣等自難遙計至世襲王
公台吉所兼伯克職任暨吐魯番協理旗務伯克等向有呈進貢
物及年班等事是否仍照舊制未據聲明應請

旨飭令該大臣再行酌度情形妥議章程詳查具奏臣院以憑核
辦

新疆圖志

藩部二

五

吐魯番回部

吐魯番本高昌國宋爲西州回鶻遼爲阿薩蘭回鶻皆回紇之遺
種而非天方西來之回也自摩哈麥居喀什噶爾其教盛行於西
域暨明吐魯番强大嗣是而回部遂興其俗以事天爲本重殺不
食犬豕肉嘗以白布蒙頭故稱白帽回回人自呼白帽曰達斯塔
爾別有紅帽回輝和蘭哈拉回諸族然以纏頭爲著順治十年吐
魯番蘇勒坦賽伊特汗遣使入貢表稱一千八十三年爲元太祖
裔或遂謂摩哈麥爲青吉斯汗與元祖同名故附元裔而改從回
教考俱不合

池北偶談謂始於隋之開皇蓋以其表一千八十三年逆計之然是時高昌屬麹氏並無回部元併畏吾
阿昔蘭爲吐魯番火州柳城三萬戶蓋皆回鶻吐谷渾遺種而非必蒙古明史吐魯番部自相雄長穆宗
後不見於史不知何時盡屬阿都拉汗漢西域圖考則疑阿都拉之先本回教其來在瑪木
特前諸國久奉之爲主自瑪木特來喀什噶爾自稱聖裔乃附元裔以抗之亦鑿空之詞耳

然回部實傳衍於
派罕而非盡留種於花門也暨準噶爾噶爾丹強脅吐魯番爲己
屬策妄阿喇布坦與構怨攜舊城七人走吐魯番尋徒和博克薩
里吐魯番遂屬策妄康熙五十九年散秩大臣阿喇納以兵赴闕
展魯克沁吐魯番諸城檄諭曰大軍征準噶爾非仇爾也回衆乃

乞降魯克沁者吐魯番大阿璉額敏和卓族居處也準噶爾脅徙喀喇沙爾固拒之遣使告內附雍正三年徙闡展魯克沁吐魯番回衆六百五十餘戶安置肅州金塔寺威虜堡諸地其分處魯克沁者十四萬戶準噶爾屢吐襲魯番

上以吐魯番距巴里坤六七百里難以庇護乃由留屯塔勒納沁回衆遷至瓜州凡八千一十三口尋定所部頭目功次一等給正千戶二等給副千戶三等正百戶四等副百戶各頒號紙乾隆十九年始遣官赴瓜州編旗隊置管旗章京參領佐領驍騎等員如哈密例大軍征伊犁定邊右副將軍薩喇爾檄吐魯番有伯克莽噶里克集兵七千迎降尋阿睦爾撒納叛竄哈薩克乃徙瓜州回衆歸魯克沁以吐魯番東界闡展至喀喇沙爾令額敏和卓轄自伊拉里克至阿斯塔克令莽噶里克轄莽噶里克復叛應沙雅爾額敏和卓馳赴吐魯番擒斬其從逆宰桑十餘人

新疆圖志

藩部二

六

與哈密爲回部二大部二十三年

授參贊大臣從雅爾哈善剿賊抵庫車賊自堞施礮傷左額退而誓曰我受

聖恩厚必舍身力戰奏至

頒賜御用佩飾銀千兩霍集占攜兵五千援庫車復大敗之獲其蠹二額敏和卓識爲霍集占蠹也大軍抵葉爾羌逆賊抗於喀喇烏蘇額敏和卓等固拒之疊邀

褒獎賜三眼孔雀翎郡王品級紅寶石頂四團龍服蓋至是凡三錫矣二十四年冬晉封郡王是爲吐魯番回部封王之始

命駐葉爾羌辦事與霍集斯鄂對並圖形

紫光閣

御製贊辭額敏和卓圖曰吐魯番族早年歸正命贊軍務以識回性知無不言言無不宜其心匪石不可轉移二十六年陝甘總督楊應琚奏肅州威虜堡安置吐魯番回民計二百五十戶墾地五

千三百六十餘畝戶口日增地畝有限請遣千戶珈如拉歸吐魯番從之秋七月舒赫德奏附闢展之連木齊木有地六千畝闢展英格二邑有地千餘畝請令千戶珈如拉徙舊居魯克沁衆赴連木齊木百戶伊明和卓徙舊居闢展英格二邑歸故地按戶給田九月又奏羅卜諾爾部一爲喀喇庫勒一爲喀喇和卓喀喇庫勒置伯克一約束難周請增一員協理喀喇和卓凡五邑各置伯克不相屬請令二員總理二員協理別設小伯克一居吐魯番理賦役屬戶百八十二每年納哈什翎百枝海倫九張悉如議額敏和卓旋入

覲命乾清門行走每晝接輒詢回部情形四十二年卒有子七人長子素賚璫襲以虐所部衆且私宮其屬論罪削郡王爵

詔赴京授一等侍衛

命伊斯堪達爾襲札薩克多羅郡王爵四十八年

詔世襲罔替吐魯番廣安城本六城之一爲郡王子孫所居轄回

新疆圖志

藩部二

七

城四曰魯克沁

按魯克沁西去廣安城二十里本漢狐胡國其西五十里爲成已校尉治後曰高昌壘今喀喇和卓也去廣安城七十里又西九十里爲車師前庭即交河城今雅爾湖地東去廣安城二十里也

曰色更木曰喀喇和卓曰托克遜道光中再平回部移領隊大臣

駐焉並設巡檢一員

按識略載吐魯番札薩克所管回子舊有一千六百七十五戶共編十五牛象乾隆四十四年郡王蘇賚璋革職辦理當據額敏和卓之子色普拉呈請毋庸另放阿奇木伯克仍

令原有伯克管轄自哈喇和卓迤東回子九百六十餘戶共十一牛象並羅布渾爾回子二百餘戶仍歸額敏和卓之子嗣管轄自吐魯番迤西雅爾湖第木什托克遜等處回子七百餘戶共四牛象改歸吐魯番領隊大臣統轄旋經伊犁達爾曼呈出七百餘戶照舊在原處居住入於伊斯堪達爾旗下 同治 年陷於安集延僞怕夏光緒三年三

月大軍既克達坂城托克遜海古拉白彥虎已於十二日倉皇西竄先是是月初豫軍分統孫金彪蜀軍統領徐占彪已由巴里坤穆家溝而進占彪與金彪會師鹽池連克七克騰木闢展連木沁勝金台魯木沁各城壘十三日急趨吐魯番適湘軍羅長祐譚拔萃由北面馳至三軍會同立復吐魯番滿漢兩城安集延所立阿奇木馬人得降於軍前吐魯番漢城本纏回所居滿城爲安集延所踞海古拉修建僞府莊濶異常軍械軍糧畢萃於此是役降纏回萬餘獲賊糧數千石子藥三十餘萬斤而肇功實在達坂城托克遜兩戰賊膽已落故蜀豫之師得以迅進吐魯番兵不血刃而

下也八年改設行省裁吐魯番領隊大臣設同治理回民事盡裁南路諸伯克銜缺改充鄉約回王則移居魯克沁城云

南八城回部

南八城回部同時與額敏和卓玉素卜並興者以霍集斯鄂對稱首霍集斯父阿濟斯和卓爲吐魯番頭目準噶爾脅徙喀喇沙爾復由喀喇沙爾徙烏什因名烏什曰圖爾璦與吐魯番音近也阿濟斯死霍集斯嗣號圖爾璦阿奇木伯克兄阿卜都伯克弟阿卜都里木居阿克蘇乾隆二十年大軍征準噶爾達瓦齊竄踰庫魯克嶺將軍班第檄霍集斯設哨諸嶺隘霍集斯偵達瓦齊將赴喀什噶爾伏兵烏什城外以待遣弟攜酒及馬給迎屬人薩里衷甲從視達瓦齊至趨控馬達瓦齊將引弓射薩里以刀斷其弦達瓦齊子羅卜札自後趨至刀擊薩里膊者三固控之伏發達瓦齊及子從者七十餘人悉就擒獻之大軍霍集斯自伊犁將入覲適班第遵

新疆圖志

藩部二

八

旨遣霍集斯偕布拉泥敦往撫葉爾羌諸城布拉泥敦旣歸善霍集斯及阿卜都伯克霍集占萌逆謀懼霍集斯宗強析其昆弟子姓居各城以霍集斯爲和闐伯克其長子漢咱帖爾爲烏什伯克以阿卜都伯克爲葉爾羌伯克其子阿布薩爲阿克蘇伯克霍集斯畏威強附之及大軍圍庫車霍集占往援令霍集斯駐阿克蘇以待已復由庫車走阿克蘇閉門不納復走烏什霍集斯請自召烏什衆徙喀喇沙爾甫入城卽以兵拒霍集占懼而逃將軍兆惠至霍集斯乃遣次子呼岱巴爾氏獻書迎謁納戶籍五千口三萬餘請遣從弟額敏都霍什提卜齋書招降其兄阿卜都伯克旋從大軍拒賊喀喇烏蘇二十四年從右副將軍富德解黑水圍上以霍集斯舊轄其地

詔授總管和闐六城伯克霍集斯請遣六城伯克赴喀什噶爾招降布拉泥敦時額敏都霍什卜提私以招降阿卜都伯克故告霍集占霍集占戕阿卜都伯克阿卜都里木等偕布拉泥敦棄城竄

霍集斯從大軍尾擊之敗諸阿爾楚爾城賊遁伊西庫爾淖爾霍集斯偕鄂對執纛呼曰降者生其屬阿里木立木前中賊銃死霍集斯呼愈壯乞降者萬餘霍集占等遁巴克達山霍集斯遣使招降其兩部告素爾坦沙曰若不獻逆當移兵討之巴克達山乃函獻霍集占首以功累封固山貝子

賜雙眼孔雀翎紅寶石頂四團龍服至是

詔給郡王品級霍集斯請從凱師入

朝二十五年至京

召謁於正大光明殿賚章服飲至豐澤園及將歸

詔宣示烏什訐霍集斯狀霍集斯請留京師慰允之遣其幼子托克托索不回阿克蘇以供祭掃尋與額敏和卓鄂對並圖形

紫光閣霍集斯圖曰奉元帥檄擒達瓦齊後稍觀望旋迎我師同大軍進被圍黑水回族望族居之京邸其三子暨薩里並以功名終云鄂對世居庫車準噶爾脅從伊犁居河北固勒札大軍至鄂

新疆圖志

藩部二

九

對與和什克色提卜勒氏噶岱默特皆迎降二十三年從雅爾善軍

授散秩大臣兆惠之進兵葉爾羌也遣鄂對偕侍衛鄂布舒齊凌札卜等赴和闐六城抵額里齊伯克等以城獻哈喇哈什玉瓏哈什塔克齊爾拉克雅爾諸城聞之相繼降時賊方抗大軍於喀喇烏蘇和闐軍書再不達鄂對偵賊將襲和闐遣使馳告阿克蘇參贊大臣舒赫德集諸路兵分援和闐喀喇烏蘇鄂對妻以馬百匹助軍鄂對復以和闐兵千備羊皮糗糧爲禦賊計賊黨阿卜都克木等往來額里齊喀喇哈什間鄂對檄諸城曰大兵將至可固待兆惠旋遣兵九百來援鄂對迎赴喀喇哈什擊賊於博羅齊敗之諸城皆定

上嘉鄂對固守功封輔國公遣歸阿克蘇鄂對固請從軍同額敏和卓等擊賊阿爾楚克賊敗遁巴克達山

諭嘉其勇晉封固山貝子圖形

紫光閣鄂對圖曰平伊犁時歸順勤王回部傑出其心元良往諭和闐被圍三月共噶布舒全守卓越二十九年烏什回變葉爾羌伯克鄂對妻葉依木隨其子鄂斯璠在庫車聞之五晝夜馳至葉爾羌置酒盡召諸阿渾愛曼責以大義利害復使歌舞回女勸酒盡醉陰遣人赴收其兵器又盡縱其馬驅牧百里外山澤人心始定鄂斯璠自引回兵赴烏什鄂對之功蓋亦其妻之力爲多四十年

諭曰貝勒品級鄂對公品級噶岱默特均於未得回部以前歸誠伊犁且在軍營著有勞績自與恩封者不同均令世襲罔替四十二年卒旋以附和葉爾羌辦事侍郎高樸盜玉出售

詔削其子阿斯璠襲爵授爲散秩大臣以發額爾穆私通布拉泥敦逆子事

加恩晉封固山貝子五十三年卒於京師子邁哈默特三承襲色提卜阿勒氏烏什人舊爲拜城伯克準噶爾脅徙伊犁聞達瓦齊

新疆圖志

藩部二

十

被擒與和什克鄂對噶岱默特等皆迎降二十五年喀什噶爾商伯克邁喇木派蘇巴特伯克呢雅斯等叛掠庫勒塔里木諸汎色提卜阿勒氏自英吉沙爾聞之偕提督楊甯往剿擒斬賊黨授散秩大臣賜二品頂戴二十九年入

朝

封輔國公三十年烏什回賚哈木圖拉糾衆叛

詔歸理軍務尋明瑞奏喀什噶爾葉爾羌阿克蘇諸伯克皆不協物議請以阿克蘇伯克色提卜阿勒氏調和闐喀什噶爾伯克噶岱默特調阿克蘇鄂對令仍任葉爾羌事三十二年

賜雙眼花翎三十五年來朝

命乾清門行走四十五年

授喀什噶爾阿奇木伯克四十三年調葉爾羌阿奇木伯克察知高樸盜采官玉出售並聽鄂對等懇懇附和狀首之辦事大臣永貴疏聞

詔抵罪以色提卜阿勒氏能據實控告晉封貝子品級其子邁默特阿卜都拉授二等台吉並停密爾岱采玉交色提卜阿勒氏管理以絕滋擾五十三年

詔世襲罔替十二月卒長子邁默特阿卜都拉承襲

噶岱默特烏什人初爲拜城阿奇木伯克聞達瓦齊擒來歸二十五年入覲冬葉爾羌伯克鄂對喀什噶爾伯克噶岱默特和闐伯克阿什默特訐額敏和卓從通事等虐回衆參贊大臣舒赫德察其誣飭責之二十七年倡議偕伯克輸穀千石貯城邑贍貧戶復助財建屋三百楹有

詔獎賞二十九年以發喀什噶爾伊什幹伯克阿奇都拉伊木私告霍罕伯克額爾德尼逆謀

獎賜幣三十年春烏什回賚哈木圖糾衆叛遣使乞降霍罕揚言諸城悉附逆噶岱默特遣屬赴布魯特諸鄂拓克告烏什外他皆安堵薩爾巴噶長車里克齊乃遣弟海蘭達赴軍噶岱默特索逆

新疆圖志

藩部二

十一

使車里克齊遂擒以獻四十年

詔貝勒品級鄂對烏什公貝子品級噶岱默特均世襲罔替旋卒子阿布都拉璠承襲

和什克和闐人初爲喀什噶爾伯克大軍定準噶爾遣布拉泥敦歸伊犁和什克拒不納聞我軍至乃降尋避霍集占走布魯特依阿特巴什鄂拓克明伊勒哈布占泰赴布魯特徵兵和什克乃偕明伊勒哈謁兆惠軍兆惠詰進兵道和什克繪圖告曰喀什噶爾西由鄂坡勒達霍罕敏珠爾嶺由玉斯圖阿喇圖什達安集延額德格訥諸部請示檄防賊竄兆惠悉如其言二十五年

詔調葉爾羌阿奇木伯克和什克額色尹等入朝尋並留京師回人額色尹者號額爾克和卓其始派罕帕爾世爲回部長居葉爾羌領其族統稱和卓猶蒙古統稱台吉也策妄阿喇布坦侵葉爾羌脅徙伊犁大軍定準噶爾額色尹等乞降霍集占其族也復脅自伊犁歸葉爾羌額色尹不從避徙布魯特安集延諸部弟帕

爾薩及兄子瑪木特圖爾都從之大軍抵葉爾羌額色尹偕圖爾都及布魯特之呼什齊鄂拓克襲英吉沙爾諸邑布拉泥敦疑與大軍應懼不敢進時喀喇烏蘇圍亦未知爲布魯特何鄂拓克也額色尹遣兄子禡木特謁兆惠軍告之故兆惠傳

旨獎賜幣額色尹等以兵至道遇賊擊之獲一蠹獻諸軍門霍集占既竄布魯特兵尙攻布喇村額色尹檄止之曰葉爾羌喀什噶爾已定若復進是抗大軍也布魯特兵乃止旋入覲

上以其爲派罕帕爾裔

詔封額色尹輔國公圖爾都禡木特札薩克一等台吉額色尹奏幸爲天朝臣僕安置惟命

詔留京師帕爾薩亦授三等台吉又一等台吉哈休木元太祖裔二等台吉阿布都爾璜葉爾羌回人均留京合霍集斯和什克凡

八爵隸內蒙古旗

謹按 皇朝藩部表例霍集斯和什克等八爵皆隸京師乾隆間已不歸新疆駐劄大臣所轄茲似不應列入然溯其始封肇自吐魯番庫車烏什葉爾羌和闐諸城功業爛然現皆承襲如故於新疆藩部事不容沒故仍附列額敏和卓玉素卜後云

新疆圖志

藩部二

十二

附邊外諸部

新疆識畧所載邊外諸部有瓦罕什克南達瓦羅斯綽禪羅善差呀普塔什干渾都斯噶泥窩什安集延瑪爾噶浪霍罕納木干塔什干科拉普濟雅克拜蘭哈布哈爾黑斯圖濟乾竺特博洛爾拔克達山愛烏罕坎達哈爾巴特哈普隆什哈米爾拉虎爾溫都斯坦凡三十三國極邊距葉爾羌六十站止乾隆間大軍定回疆大小和卓擁殘衆而西謀襲巴克達山巴克達山酋素爾坦沙興兵拒戰擒其兄弟將軍檄索之函首軍門於是葱嶺以西布魯特愛烏罕博羅爾安集延諸國皆遣使來庭咸豐元年俄羅斯通商約遂於伊犁博羅呼濟爾卡倫邊外阿里瑪圖地方設立商埠三年遣兵自倭連步南下直抵阿里瑪圖以西哈薩克境內築立礮臺四年於塔爾巴哈台東北額爾齊斯河西岸輝邁拉虎卡倫以外之地設立斜米拍拉廷斯克巡撫塔什干之哈薩克與霍罕世讐霍罕因哈薩克之受役於俄攻之俄伐霍罕降其衆同治三年又

奪塔什干城四年奪霍占阿里瑪圖設斜米烈厘斯克巡撫擊敗布哈爾兵復於塔什干設立土爾齊斯坦總督六年以兵下薩馬爾干設立雜拉夫山省與布哈爾定界僅留霍罕一城與其民居居民怨之潛通希注十一年俄發兵問希注罪定約以阿母河爲界復滅霍罕建費爾干省於是葱嶺以西屬國半爲俄有而巴克達山魯善什克南瓦罕諸小部則皆服屬於阿富汗爲英屬國英之大勢亦駸駸由印度北嚮有與俄爭雄之意矣帕米爾者向亦服屬中國俄外部告我使臣許景澄欲會同勘界分疆惟英於帕米爾本無分地不使與聞英亦欲劃清阿富汗界使中國收帕米爾地以限俄之南下俄外部則擬作三國公共之地英俄皆不以爲然商迄未定於是遂有坎巨提之役坎巨提者近喀什噶爾西南界在葱嶺西南厥地縱橫數百里戶口約近萬人歲貢中國沙金一兩五錢例賞大緞兩端蓋卽新疆識畧之乾竺特距葉爾羌十六站一統輿圖之喀楚特同音而異譯也旣又服於英屬之克

什米爾英印度總督歲給坎巨提經費名助防務而實隱收其內政之權旋以兵力脅坎巨提坎巨提頭目連戰不勝遂率其衆逃詣卡外求援英兵修築一路直貫坎境北抵興都哥士大山意在據此山隘以杜俄衆南侵而保印度門戶坎巨提頭目興師阻之復爲英兵擊敗其所居之棍雜城已爲英人占據矣時我出使大臣薛福成詰諸英外部英外部答以無滅坎意語言閃鑠旣乃稱選得舊酋之弟美德拏星可爲坎巨提頭目擬請中國派員會行封立總理衙門電告新疆撫巡派員前往至光緒 年七月二十五日其事始定云又乾隆間建設駐防分移達什達瓦衆於伊犁是爲額魯特上旗又有自哈薩克布魯特中投回伊犁者是爲額魯特下旗又土爾扈特投誠時自額濟勒攜來之準噶爾額魯特及喇嘛之沙畢爾亦附入下五旗同游牧伊犁南境按今額魯特爲伊犁四愛曼之一應列旗防但係綽羅斯種族與來歸之舊土爾扈特和碩特同沙畢爾亦蒙古故附藩部之後云又察哈爾旗

亦四愛曼之一乾隆間平定新疆移察哈爾人戶游牧伊犁塔爾巴哈台察哈爾爲元部衆明史所謂插魯也林丹汗暴虐太宗文皇帝削平之收其衆令游牧大同宣化邊外編爲八種統歸察哈爾都統治之伊犁察哈爾牧地在東北境北一帶設卡倫踰卡倫卽哈薩克屬伊犁將軍轄塔爾巴哈台察哈爾與額魯特哈薩克同游牧牧地東與霍博克薩里土爾扈特接界西北踰卡倫皆與哈薩克接界屬參贊大臣轄案察哈爾應入旗防但舊本藩部故亦附入焉